



Taqinina Waqaychata
Aphalla Yänaka



Organización de las
Naciones Unidas
para la Educación,
la Ciencia y la Cultura



Patrimonio
Cultural
Inmaterial



Jani uñjkaya jani llamkht'kaya yänakxata...

jiskht'anakampi jaysañanakampi

• Samba de Roda de Recôncavo de Bahía (Brasil)

• El muqam uigur del Xinjiang (China)

¿Kunasa jani uñjkaya jani llamkht'kaya patrimonio cultural ukaxa?

Patrimonio cultural janiwa jach'a utanakakisa janirakiwa imata jiwaki yänakakisa. Nayrapacha jaqinakaru ist'asa amtasisa jutiri wiñanakaru yatiyktana, wiñaya ist'aña arunaka, jiwaki uñxataña yänaka, taqi jaqina phuqhañanakapa, yuupaychañanaka, uruyasiñanaka, alaxpachata akapachata kunaymana yatiñanaka, jiwaki uñtasiri yänaka lurañaka, taqi ukanakawa. Taqi ukanakaxa jani uñjañapano –janiraki llamkht'aña– taqi ukanakaxa patrimonio cultural ukarakawa. Ukaxa jiwasanakanma suma munata yänakasawa, taqi janina yatiqasa ch'amanchata ukhamaraki

taqinina amuyasiñataki aka uraqina phuqhapxtana taqi ukanakawa. Taqi ukanaka ist'asa amuyusaxa, jiwasaru ch'amanchasaxa, taqinimpirakiwa uñt'ayapxitu. Jichhaxa aka uraqina taqikuna mayjt'kipana, taqikunasa jasaki lurañjamapanxa, wakispanxa machaqata taqi munkaña yänaka uñstayapxaraksnawa. Ukhamañpanxa, taqi markana jakasiri jaqinakapawa jani uñjkaya jani llamkht'kaya yänaka machaqata uñstañapatakisa wiñayataki jakaskañapatakisa ch'amanchapxarakixa.

Pachpa ayllu uraqinakaapana jakasirinakawa taqini wakisiyasaxa, mayninakaru uñacht'ayasaxa yaticht'apxarak. Uñacht'ayañanakaxa niya kikpaki uñtasiripanxa maya allunkirimpi yaqha ayllunkirimpixa jani uñjkaya jani llamkht'kaya yänaka waqaychapxarakispawa. Mä jisk'a markana uñstayata jani ukaxa jach'a markana uñstayataso, yaqha markachirinakana jichhaki

puririnakaxa waqaychapxarakispawa, ukhamaxa ukanakawa patrimonio cultural inmaterial jani uñjkaya jani llamkht'kaya yanakaxa, taqi ukanaka mä wiñata yaqha wiñakaru yatichaskapxi, pachpa uraqina jakasirinakampi chika qhiparasaxa, mayni jaqinakampi wiñatakiwa uñt'ayarakixa. Ukhama aski yänaka maynippi yaqhampi jiwaslama amuykipasisawa yäqasipxaraktana, taqi jaqisa ukhamata mayacht'asipxarak. Kunaymana sarani patrimonio cultural inmaterial jani uñjkaya jani llamkht'kaya yänakaxa mä markachirinakampi yaqha markachirinakampiruwa purapata yäqasisa aruskipayistu.

¿"Tuwaqati" jani ukaxa "imxañacha"?
Jichhaxa patrimonio cultural inmaterial jani uñjkaya jani llamkht'kaya yänaka jakayaskañatakixa, pachpa ayllu jakasirinakapana, mä piñata yaqha sullka wiñanakaru yatichata ukhamaraki uñt'ayatäñapawa. Yaqhipa patrimonio

• El patrimonio oral Gelede (Benín, Nígeria y Togo)

• El Gule Wamkulu (Malawi, Mozambique y Zambia)

• El canto de Sana'a (Yemen)

cultural inmaterial jani uñjkaya jani llamkht'kaya yänakaxa jani yäqataxa ukhamakiwa chhaqhtawayxaspa, waqaychañaxa janiwa tuwaqaña ukhamaraki imaña sañpuni munkiti, ukhama jani suma amuyt'atapaspa ukjaza patrimonio cultural jani uñjkaya jani llamkht'kaya yänakaxa aliqa uñkatañakikikikaspasa ukhamakixaspawa. "Waqaychaña" ukaxa taqi uñstiri jani uñjkaya jani llamkht'kaya yänaka yänakaxa uñstatapa uksjata qhipanakaruxa jakaskañapakiwa, uka saña muni. Waqacyhaña yaqhanakaru yatichaña, lurañanaka ukhamaraki amtanakapa, phuqhata sumpacha amuyt'asina mä wiñata yaqha wiñaru yaticht'añawa, ukhamaxa, janiwa aliqaki yatiqasa phuqhaña lurañakiti, janiwa thuquña, jayllina, phusanaka luraña, taqi ukanakasa kikpaki.

Jichaxa jani uñjkaya jani llamkht'kaya yänaka patrimonio cultural inmaterial ukana jakayaskiri ayllunakawa taqi

yänakapa waqaychaña yanapt'añataki wali wakiskirixa. Ukhampachasa, yaqha jani uñt'ata jaqinakawa ayllunkirinakana yänakapa waqaychaña yanapt'aña yatipixi, jupanakaxa taqi jani uñjkaya jani llamkht'kaya yänaka pallthapisa ukxata qillqasawa yanapt'aña yatipixi, jani ukaxa taqi uka aski yatiñanakxata yaticht'asa, jach'a yatiña utanakana yatichasawa waqaychaña yatiqxarak. Ukhama jani uñjkaya jani llamkht'kaya yänaka patrimonio cultural inmaterial waqaychañatakixa yatiyaña utanaka taypiwa qhananchaña yatiqxarak.

Ukhampachasa, jani uñjkaya jani llamkht'kaya yänaka patrimonio cultural inmaterial ukaxa janirakiwa jani munkiri waqaychañakiti. Taqi jakirisa kikparakiwa, jakawayasaxa juk'ata chhaqtaña yatiraki, mäpachakiwa qhana uñstawayaña yatiraki. Yaqhipa jani uñjkaya jani llamkht'kaya patrimonio cultural inmaterial yänakaxa, waljpacha qullqi utjayasaxa,

pachpa ayllu jakasirinakatakixa janirakiwa kunäxaspasa. Ukaxa niya Convención para la Salvaguardia del Patrimonio Cultural Inmaterial ukana qhananchataxiwa, pachpa ayllu uraqina jakasirinaka waqaychata yäqataki ukanakiwa ch'amanchaña wakisirakixa. Taqi ukhama waqaychaña aski amuyunakaxa pachpa ayllu jakasirinakapana iyawsata phuqhañawa wakisi. Yaqhipa urasanaka, ayllunkiri yänakapa qhana tuwaqañasa janiwa wakisirikit, pachpa uraqina jakasiri jaqinakapatakixa janiwa walikaspati. Ukhamarusa, waqaychaña amtanakaxa, wiñaya yäqata amuyunaka ist'añapa yatiqñaparakiwa, ukhama jani uñjkaya jani llamkht'kaya yänaka waqaychañaxa yupaychaña taypinakanki jani ukaxa jani yaqharu yatichasa mä juk'anina jakayatakiwa.

¿Kunatsa waqaychaña wakisixa?
Patrimonio cultural inmaterial jani uñjkaya jani llamkht'kaya yänakaxa



El ballet real de Camboya
La epopeya Al-Sirah
Al-Hilaliyyah (Egipto)
El teatro de marionetas wayang (Indonesia)
El mugham azerbaiyanot

Foto © Ministerio de Cultura y Bellas Artes



Foto © CULTNAT



Foto © Yoshi Shimizu www.yoshi-shimizu.com



Foto © UNESCO

waqaychañaxa mayachiqaruwa mayachthapistu, jichhapachata muyt'ayasa nayraapacha ukhamaraki akata qhipatakiwa amuyt'ayistu. Yaqha ayllunakankiri patrimonio cultural inmaterial jani uñjkaya jani llamkht'kaya yänaka uñtasaxa taqini purapata yäqasisa qamasñatakiwa. Akhama aski yänakaxa taqi jaqinakataki wali wakiskiriwa, jaqinakarusa mayachthapi, sapaki sarnaqasiri jaqinakarusa jaqi tama taypiruwa jawsthapiraki.

Jichhaxa patrimonio cultural inmaterial jani uñjkaya jani llamkht'kaya yänakaxa pachpa ayllunkirinakana wakicht'ayatawa, jupanaka taypita sartiri uñstiri uñjasaxa ayllunkirinakawa waqaychaña yatipxi. Ukhama aski yänakana chanipa wakisipana uchañspa jani wakisipana ukhama aliqa waqaychatakikiwa. Qullqimpi chanincháñaxa ayllunkinakatakixa payawa: taqi luraña yatiñanakaxa pachpa ayllunkirinakanaka yatichata yatiqatawa, utji yänakaxa wakiskiri amuyt'ata phuqhata yatiñanakarakiwa. Qullqitupita qhananchaxa quranakampi quillqasipxki ukawa qhanaxa, janiwa maya quillqimpi alaña quillnakasa kikpakti, ukhama quillasiñanakaxa janiwa quillqiru aljañatakikit,

uñtirinakaru janiwa quillqi mayisa uñacht'ayañakiti, janirakiwa jiwaki lurata yänakaru uñtasirkisa.

Ukhamarusa, patrimonio cultural inmaterial jani uñjkaya jani llamkht'kaya yänakaxa janiwa quillqi sapaki utjaykiti, jani ukaxa alakipañanaka utjipana taqi markachiritakiwa quillqi utjayarakixa. Taqinru ayllupana qhana uñt'ayasisa sarnaqayasaxa taqi jaqiruwa mayacht'asiy, mayacht'asiña jani utjkspa ukjaxa nayraqataru sartañasa janirakiwa utjkspati. Akhama patrimonio cultural inmaterial jani uñjkaya jani llamkht'kaya yänakaxa yatiqatawa, jani amuykaspacha, taqi yatiñanaka, jani walt'añanaka askichayasaxa, taqinruwa ch'amancharaki.

¿Mä mara jach'a uruna fiesta jani utjkspa ukjaxa qhawqha quillqisa jani utjkspaxa? ¿Mä festival wakichayañatakixa, ayllunkirinakaru aski lurañanaka yatichayañaxa qhawqha quillqitakispasa? ¿Uraqixa jani suma yapuchatákspa, umaxa q'añuchata, ukhamaraki yaqha jani walt'añanaka utjaspa ukjaxa qhawqha quillqisa jani utjkspaxa?

Ayllunkirinakataki patrimonio cultural inmaterial jani uñjkaya jani llamkht'kaya yänaka chhaqtayañaxa quillqitupita aynacht'ayaña, ukhamarusa mayacht'asiñataki aruskipasiña jani utjxaspa ukjaxa, jani walt'añanaka utjañapatakiwa. Patrimonio cultural inmaterial jani uñjkaya jani llamkht'kaya yänaka jani waqaychañaxa ayllunkirinakaru sinti jani walt'ayañaspawa, ukhamarusa purapata amuyt'asiña jani utjipanxa juk'ampi jani walt'ayañanakakiwa ayllinkirinakataki utjawayxspa.

¿UNESCO ukaxa kunatakisa?

Organización de las Naciones Unidas para la Educación, la Ciencia y la Cultura (UNESCO) tantachawixa Naciones Unidas taypinkiri yatichaña yatiqantuqita phuqhata yanapt'iritaki, taqi jaqiru amuyt'ayañataki, jaqinakana aski yatiñanakaxa waqaychañataki, internacional yanapanaka utjayañataki, jani ch'axwañanaka utjañapataki utt'ayawa. Ukatakixa, UNESCO tantachawixa aski amuyunaka wakicht'ayasa uraqpachana taqi jaqiru wakiskiri aruskipayañataki, utjiri yatiñanakampi taqinru ch'amanchañataki utt'ayatawa, jichhakamaxa 193 Estado Miembro ukankirinakaru ukhamaraki 6

Miembro Asociado ukankirinakaruwa yanapt'aski. UNESCO tantachawixa, Naciones Unidas jach'a tantachawi taypina taqi jaqinakana yatiñanakapa waqaychasa ch'amanchañataki, taqi jaqinakaxa purapata yäqasisa qhana taqi chuyuma aruskipasipxañapatataki cooperación internacional taypi ch'amanchiritakiwa. Ukhama utt'ayaya jacha Tantachawixa 60 maraniwa, ukhampachasa patrimonio cultural inmaterial jani uñjkaya jani llamkht'kaya yänaka waqaychañatakixa 2003 marana Convención para la Salvaguardia del Patrimonio Cultural Inmaterial tantachawiwa utt'ayataxarakí.

¿Convención ukaxa kunatakisa?

UNESCO tantachawixa 2003 marana Conferencia General ukanwa Convención para la Salvaguardia del Patrimonio Cultural Inmaterial sutini tantachawi utt'ayi, ukhama aski amuyu wakisiñapatakiwa Estado Miembro ukankirinakawa walpacha kamachinaka uñakipasa taqituqita uñakipasa ch'amanchawayapxana. Niya tratado ukaru uñtasiri Convención quillqaxa internacional quillqa taypi amta internacional wakisiri kamachinakampi ch'amanchatawa. Convención ukaru Estado ukankirinakaxa

wakiskiri phuqhañanakampi yanapt'añatakiwa qhananchawäyapxana. Ukhamatawa, Convención ukana Estado Parte ukhamaru tukusaxa taqi phuqhañanakampi yanapt'añatakiwa jani llamkht'kaya yänaka pachpa uraqipana waqaychañapatakiwa ch'amanchapxi. Ukhamarusa, sapa Estado ukankirinakaxa ayllunkirinakana yanapt'apampixa, kawkiri yänakasa waqaychataspa uka qhananchañatakixa wakisiri tantachawi taypi ch'amanchiritakiwa. Estado ukankirinakaxa patrimonio cultural inmaterial jani uñjkaya jani llamkht'kaya yänaka sapa kuti phuqhata jakhthapipxañapawa. Convención ukankirinakaxa patrimonio cultural inmaterial jani uñjkaya jani llamkht'kaya yänaka yanapt'añatakixa, jakkiri jaqinakaxa luraña amuyt'aña yatipxki jupanakaru ch'amanchanakampi yanapt'añatakiwa. Convención ukaxa ayllunakana taqi utjiri jani uñjkaya jani llamkht'kaya yänaka taqina askipataki phuqhata jakaskañapataki, ayllunkirinakaru ch'amanchañataki, ukhamaraki taqi jaqiru, jani llakisia jani ch'axwasa jakasipxañapataki yanapt'añatakiwa.

¿Convención ukaxa kunjama phuqhañapasa?

Convención ukaxa jach'a markana ukhamaraki jach'a markanakpura yanapt'asipxañapatakiwa aski

wakichawinaka qhananchi. Nacional jach'a markanakaruxa, Convención ukankirinakaxa patrimonio cultural inmaterial jani uñjkaya jani llamkht'kaya yänaka pachpa uraqipana waqaychañapatakiwa ch'amanchapxi. Ukhamarusa, sapa Estado ukankirinakaxa ayllunkirinakana yanapt'apampixa, kawkiri yänakasa waqaychataspa uka qhananchañatakixa wakisiri tantachawi taypi ch'amanchiritakiwa.

Estado ukankirinakaxa patrimonio cultural inmaterial jani uñjkaya jani llamkht'kaya yänaka sapa kuti phuqhata jakhthapipxañapawa. Convención ukankirinakaxa patrimonio cultural inmaterial jani uñjkaya jani llamkht'kaya yänaka waqaychañataki wakiskiri amtanaka qhananchasa taqi jaqiru ch'amanchañatakiwa yanapanana utjayapxani.

Jach'a markanaka taypina, taqi Estado ukankirinakaxa Convención ukaru Asamblea General de los Estados Partes en la Convención ukaru ch'amanchawayapxana, ukhamarusa jupanakaxa sapa pä marawa tantachasipxani. Asamblea General ukankirinakaxa Comité Intergubernamental para la Salvaguardia



de Patrimonio Cultural Inmaterial ukaru yanapt'apxañapatakixa 24 yanapiri chhijllawayapxana, jupanakaxa sapa marawa Convención ukankirinakana amta phuqhatanakapa ukhamaraki luratanakapa uñakipañataki aruskipañataki tantachasipxi.

Comité ukankirinakaxa wakisiri amuyunaka qillqt'asaxa Asamblea General ukankirinakana iyawsapxañapatak, ukhamaraki Convención ukankirinakana lurañanaka wakisiyapxañapatakiva qillqa taypi ch'amanchapxañapa. Asamblea General ukankirinakaxa 2008 maranxa mara t'aqa phaxsinwa nayraqata wakisiri amtanaka qhananchawayapxana. Yaqhanakampi chika, irpirinakampi chikaxa, patrimonio cultural inmaterial jani uñjkaya jani llamkht'kaya yänaka Convención ukana utt'ayata listaru qillqtatayatañataki, internacional yanapa utjañapatak, sumpacha yatiri jaqinakani tantachawinaka chhijllasa Convención taypina taqi ukanaka lurañatakiwa qhananchawayapxañapa.

¿Patrimonio cultural inmaterial jani uñjkaya jani llamkht'kaya yänaka waqaychañataki Convención ukampi ch'amanchañatakixa kunjamasa internacional yanapaxajikitasp?

Jichhaxa Convención ukaxa taqi jani uñjkaya jani llamkht'kaya yänaka waqaychayañataki utt'ayatawa, ukhamarusa taqi jach'a markanakampi chika taqi jaqiru chiqapa arkatañaxa ayllunakana wakiskiri wiñataki ch'amanchañaparakawa. Convención ukana Estado Parte ukanakana irpirinakapaxa patrimonio cultural inmaterial taqi jani uñjkaya jani llamkht'kaya yänaka Comité waqaychañatakixa pachpa aylluna jakasirinaka chikawa wakisirinaka mayipxañapa. Jank'aki waqaychaña tuwaqña wakisiri yänakaxa Comité Intergubernamental ukankirinakana chimpt'atapanxa Lista del Patrimonio Cultural Inmaterial tukuyasaxa Lista Representativa del Patrimonio Cultural Inmaterial de la Humanidad uka taypiru qillqtatayañakixiwa. Uka phuqhasaxa Comité ukankirinakaxa aski phuqhañanaka uñakipasa, luraña amtanaka phuqhayañatakixa Convención ukataki wakisiripanxa walikiwa sasa qhananchañapakixiwa. Akhama ch'amanchaña amtanaka, luraña amtanaka wakisirinaka waqaychañataki ch'amanchañaxa mayninakaru yatichañataki askinapawa.

Patrimonio cultural inmaterial taqi jani uñjkaya jani llamkht'kaya yänaka niya chhaqtirpacha amuyusaxa Lista de Salvaguardia Urgente ukawa chiqpacha uka yänaka waqaychañatakixa, -akaxa, wiñaya jakaskañapatak, wakisirixa. Lista Representativa ukaru qillqtatayatañaxa patrimonio cultural inmaterial taqi jani uñjkaya jani llamkht'kaya yänaka taqiniru uñt'ayataki, uksatuqita taqini yäqasaxa aruskipxañapatak, taqi jaqina aski yänaka utjayañapxata amuyt'asa aruskipayañatakiwa. Ukhama wakisiri listaru qillqtatayatañaxa, yaqhanakampi yäqayatañataki ukhamaraki pachpa ayllunkirinaksa jupanakpachpa yäqasipxañapatak amuyt'ayatakiwa. Ukhamarusa, uka taqinimpi yäqayatañaxa patrimonio cultural inmaterial taqi jani uñjkaya jani llamkht'kaya yänaka waqaychañatakikiwa, janiwa yänaka waqaychañatakikiwa, janiwa yänaka walinaka lurañatakiki. Amuyt'añani, turismo ukaxa inasa mayjt'añanaka apanchispas, ayllunkirinakaxa uñjirinakaru uñacht'ayatañatakiwa yänaka maysaru uñtayaspas, jani ukaxa jupanaka taypina uñtasiñanakawa uñstarakispaxa. Ukhamarusa taqi ukhama yänaka mayninakaru uñacht'ayatañaxa, mayninakana uñtasiñapatakikispaxa.

ukhama tukuyarakispaxa, ukatxa jani uñt'ayaañ jani ukhamaki aliqata yatiyañanaka qullqilayku uñacht'ayaañanakawa uñstaspa. Akhama lurañaxa niyasa, taqi uka patrimonio cultural inmaterial taqi jani uñjkaya jani llamkht'kaya yänakaxa qullqilaykukisa utjayataxaspaxa ukhama amuyunaka apanirakispaxa.

Wakisiri patrimonio cultural inmaterial taqi jani uñjkaya jani llamkht'kaya yänakaxa janiwa ukjpacha mayaki Lista de Salvaguardia Urgente ukanakaru qillqtatayañakikiti, jani ukaxa sapa mayaxa yaqha yaqha thakhiniwa, phuqhañanakapasa ukhamarakiwa.

¿Yupaychañanaka ukhamaraki arunakaxa Convención taypina yäqatapxaspati?

Yupaychañanakaxa ayllunkirinakaru uñt'ayatañataki mayacht'asiyañatakichiwa, Convención taypinxaxa janiwa yäqatakiti. Ukhampachasa, Convención qillqatanxa yupaychañtuqita qhananchaskarakiwa. Ukhampaxa 2 Amtachinu qillqatanxa, jaqinakana phuqhañapa, jach'a urunakana yupaychañaxa patrimonio cultural inmaterial taqi jani uñjkaya jani llamkht'kaya yänakawa, sarakiwa. Ukhampaxa Convención

Convención ukaxa janirakiwa arunaka yäqkiti (aru thakhinchá, aru pirwa), ukhampacha patrimonio cultural inmaterial taqi jani uñjkaya jani llamkht'kaya yänakaxata yatiyañatakiwa, sarakiwa. Jani arükaspa ukjaza wiñaya ist'aña arunakaxa janiwa utjkaspati. UKhamarusa taqi patrimonio cultural inmaterial taqi jani uñjkaya jani llamkht'kaya yänakaxa –taqikasta luraña, amuyuña, phuqhañanakatakixa– arunakampi chikt'atapuniwa taqichiqana utjaskarakixa.

¿Estado irpirinakaxa patrimonio cultural inmaterial taqi jani uñjkaya jani llamkht'kaya yänaka waqaychañataki kamachapxañapasa?

Ayllunkirinakaxa patrimonio cultural inmaterial taqi jani uñjkaya jani llamkht'kaya yänaka uñstayasaxa jupanakarakiwa jakayaskapxi, ukalaykuwa waqaychañatakixa ch'amanchapxañapa. Ukhampachasa janiwa jupanaka sapakixa waqaychaña yatipxaspati; jani ukaxa Estado, ukhamaraki yaqha tantachawinkirinakawa jakaskiri aski yänakapa waqaychañatakixa yanapt'apxaspa. Ukhampaxa Convención

ukankirinakaxa Estado irpirinakaruxa listanaka sapa kuti uñakipasa patrimonio cultural inmaterial taqi jani uñjkaya jani llamkht'kaya yänaka uraqinakapana waqaychañatakixa ch'amanchapxi. Ukhamanaka luraña phuqhasaxa utjiri patrimonio inmaterial taqi jani uñjkaya jani llamkht'kaya yänaka uraqinakapana, niya chhaqtirpacha amuyusa, kunjamasa ukanakaxa, uñt'añaxa wakisiti, kawkirinakasa wakisirixa, taqi ukhama jakkiri yänakxta qhananchapxañapawa. Estado irpirinakaxa jupanakpachpa wakisiri amuyt'asawa inventario qillqa wakichayapxañapa. Ukhamarusa, inventario qillqañanxa ayllunkirinakaxa chikawa phuqhata qillqpxañapa, jupanaka chikarakiwa waqaychaña amtanaka wakichayapxañapaxa.

Estado ukanakaxa patrimonio cultural inmaterial taqi jani uñjkaya jani llamkht'kaya yänaka waqaychañatakixa markapa irpaña taypina wakisiri amtanaka phuqhayañatakixa, taqi luraña phuqhañanakapa taypina tantachawinaka utt'ayasaxa, patrimonio cultural inmaterial taqi jani uñjkaya jani llamkht'kaya yänakxta sumpacha yatiñatakixa estudio científico, técnico ukhamaraki



NORUEGA UKHAMARAKI ESPAÑA MARKA IRPIRINAKAPANA CH'AMANCHATAWA



Taqinina
Waqaychata
Aphalla
Yänaka

artístico ukanaka lurayañatakiwa ch'amanchapxañapa. Ukhamarusa, Estado ukankirinakaxa taqi aski wakisirinaka phuqhasawa patrimonio cultural inmaterial taqi jani uñjkaya jani llamkht'kaya yänaka uñt'ayañatakixa ch'amanchapxañapa, taqiniimpi yäqayapxañapa, ukhamaraki taqi ukanaxkata documentación apthapiri tantachawinaka utt'ayañapaxa. Jichha ukhama luraña phuqhañaxa ¿Taqi utjirinaka apthapisaxa "qalarusa" tukuyksna ukhamaspati? Qalltanxa jani ukhamakaspati, taqi ist'atanaka amuyt'atanakxata mayninakaru uñacht'ayañatakikiwa. UKhama yänaka chhaqhtirjamapaxa, niya chhaqhtañamapiwa sasa qhananchatäñapawa. Ukhämäpanxa, jakaskiri jani uñjkaya jani llamkht'kaya yänaka waqaychañataki, jani walt'añanaka uñjasaxa jank'akiwa askichañanakaxa wakichayaña.

yanapaxa sinti thaqhisiñana jakasiri markankirinakaru yanapt'añatakiwa. Ukhama qullqimpi yanapt'añaxa Lista del Patrimonio Cultural Inmaterial uka wakiskiri churirinakaru, inventario qillqa phuqhata wakichayirinakaru katuyañatakiwa. Fondo uka yanapaxa sinti wakisirinakaru yanapt'añataki, Comité Intergubernamental uka taypiru taqi jani uñjkaya jani llamkht'kaya yänakxata sumpacha yatirinakana aruskipañataki tantachasirinakaru ch'amanchañatakiwa. Yanapa mayiña qillqanaka aka www.unesco.org/culture/ich/en/forms chimpu taypiwa jikipxarakisma. UNESCO ukankiri Secretaría pachpa utata jayankirinakaxa UNESCO Comision Nacional ukana irnaqirinakata mayisawa wakisiri qillqa phuqhantasaxa yanpt'a mayipxarakisma.

¿Convención ukankirinakaxa propiedad intelectual ukxata yanaparakiti?

Convención ukaxa patrimonio cultural inmaterial taqi jani uñjkaya jani llamkht'kaya yänaka waqaychañatakikiwa –sumpacha uñ't'añataki ukhamaraki wiñayataki jakaskañapatakikiwa– janiwa kamachinaka taypi propiedad intelectual waqaychañatakikiti, ukhamar aski ch'anchirinakaxa, Organización Mundial de la Propiedad Intelectual ukankirinakawa. Ukhampachasa, aka Convención qillqa 3 Amtachinu ukanxa Estado Parte ukankirinakaruxa janiwa propiedad intelectual ukaru pisinchañataki wakichavatakiti siiva.

Jichha kamachinaka taypinxa,
derecho de propiedad intelectual
ukampi patrimonio cultural inmateria
taqi jani uñikaya jani llamkht'kaya



Organización de las
Naciones Unidas
para la Educación,
la Ciencia y la Cultura



Patrimonio Cultural Inmaterial

Jani llamkt'kaya munata yatiña yäxa, sapo tama wiñata sapo tama wiñaru katuyatxa, uxaka sapo kutita kupa kutijara ayllunkanana uñach'ayatawya, ukhama sarakaschia amrtani ukhamaraki khititsa yatiskakinataki, ukhamaraki jaqinana uñayatacha chuymani ukhamaraki ukhamate walja yitiwinia sarmaqana väqasurana, sartayanañataki vanant'asa